



ҚОНУНИЙЛИК ВА ҲУҚУҚ-ТАРТИБОТ УЧУН!

POSTDA



O'zbekiston Respublikasi
IIV nashri


Gazeta 1930-yil 12-maydan chiqqan boshlagan • E-mail: postda@mail.uz • 2015-yil 20-iyun, shanba • № 25(4126)

Олтин ёз – ўтмоқда соз!

ГЎЗАЛ ВА БЕТАКРОР МАСКАН



Ёз фасли ҳаммадан кўра фарзандларимизга битмас-туганмас шодлик ва қувонч олиб келиши, шубҳасиз. Чунки мактаблардаги дарслар, уй вазифаларидан озод бўлган болалар бу фаслда уч ойлик таътилга чиқиб, мириқиб ўйнашади, дилдан яйрашади.



Табиийки, ёз мавсумида мамлакатимизнинг энг сўлим гўшаларида жойлашган болалар соғломлаштириш оромгоҳлари уларнинг орзуларини рўёбга чиқаришда муҳим аҳамият касб этади. Республика Ички ишлар вазирлигига қарашли Тошкент вилояти Бўстонлик туманида жойлашган «Оқтош» болалар соғломлаштириш оромгоҳи юртимизнинг турли бурчакларидан келган болажонлар билан гавжум. Бу ерда болалар нафақат жисмоний жиҳатдан чиниқади, балки билими мустаҳкамланиб, маънавияти ҳам бойитилади. Улар сўлим ва хушманзара табиат қўйнида, тоғ ёнбағрида жойлашган гўзал ва баҳаво масканда ҳордиқ чиқаришдан ташқари, тенгдошлари билан дўстлашиб, ўзаро фикр алмашмоқдалар.

(Давоми 4-бетда).

Профилактика хизмати

ДОИМО ОДАМЛАР ОРАСИДА

Капитан Дониёр Чўллийев ички ишлар идораларида 1996 йилдан бери фаолият кўрсатиб келмоқда. Унинг хизмат фаолияти асосан Олот тумани ИИБ ҳузуридаги қўриқлаш бўлинмаси ҳамда вилоят ИИБ ҳузуридаги қўриқлаш бошқармасида кечди. 2010 йили Олот тумани ИИБ ҚООГ профилактика инспектори вазифасига тайинлангач, қисқа вақт ичида тажрибасини ошириб, ҳамкасблари ҳамда раҳбарият назарига тушди.

Мана, икки йилдирки, капитан Д. Чўллийев Олот шаҳридаги 175-милиция таянч пунктида фаолият кўрсатмоқда. Аҳоли асосан турли ташкилотларда, муассасаларда ишлайди, тадбиркорлик билан шуғулланади. Худудда кўплаб кичик бизнес шохобчалари, бичиш-тикиш цехлари, гўзаллик салони, ёшларнинг спортга ошно бўлиб камолга етишини таъминлаш мақсадида спорт майдончалари ташкил этилган. Бундан ташқари, кексаларни эъзозлаш йўлида ҳам ибратли ишлар амалга ошириляпти. Профилактика инспектори шахсан ўз ташаббу-

си билан кўчабошилар ҳамкорлигида маҳаллалардаги кексаларнинг ҳолидан хабар олишни йўлга қўйган. Ёрдамга муҳтожларига қўлидан келганча кўмаклашади, қурби етмаганларга эса ташкилотлар ва маҳалла фаолларини жалб этади.

Худудда жамоат тартибини сақлашда профилактика инспектори, капитан Дониёр Чўллийевга маҳалла фуқаролар йиғинлари раислари, маҳалла фаоллари, диний маърифат ва маънавий-ахлоқий тарбия масалалари бўйича маслаҳатчилар, шунингдек, «Маҳалла посбони» жамоат тузилмаси вакилла-



ри яқиндан ёрдам бериб келишяпти. Улар билан ҳамкорликда кенг қўламли профилактик ишлар олиб борилаётгани яхши самара бераётир.

— Дониёр хушмуомалалиги, фуқаролар кўнглига йўл топа олиши, керак бўлганда, қатъиятлилиги билан кўпчиликнинг ҳурмат ва ишончини қозонди, — дейди «Наврўз»

маҳалла фуқаролар йиғини раиси Отажон Қандимов. — Шунинг учун ҳам унга ҳар қандай масала бўйича тортинмай мурожаат қилишади. Зарур бўлса йўл-йўриқ, маслаҳат олишади.

Капитан Д. Чўллийев куну тун халқ орасида. Нафақадаги подполковниклар Шавкат Нуриллаев, Барот Болтаев ва нафақадаги майор Норқул

Болтаевдан ўрганганларини хизматда самарали қўллаб келмоқда. Аҳолининг кўплаб муаммолари жойида ҳал бўлаётгани ҳам унга бўлган ишончини оширмоқда.

Мирзокул АҲАДОВ.
Бухоро вилояти.

Суратда: капитан Дониёр Чўллийев маҳалла болалари билан суҳбатлашмоқда.

Абу КЕНЖАЕВ олган сурат.

УШБУ
СОҢДА

ЎРИМ-ЙИГИМ АВЖИДА

4-бет



7-бет

ЗАМОНАВИЙ
ТЕХНИКАНИНГ
АФЗАЛЛИГИ



КЕКСАЛАРНИ ЭЪЗОЗЛАШ

УЛУФ ҚАДРИЯТ

8-бет



11-бет

СИФАТИ
КАФОЛАТЛАНМАГАН
ОЗИҚ-ОВҚАТ



ЗЎРАВОННИНГ

ТАВБАСИ ЎТМАДИ

13-бет



ХОРДИК

Дам олиш саҳифаси

Ривоят

ПАШША ВА АСАЛАРИ

Бир донишманддан одамлар феъл-атворига кўра неча тоифага бўлинишини сўрашибди. У бир оз ўйланиб туриб, шундай жавоб берибди:

— Ҳаётини кузатишларимдан шу нарсага амин бўлдимки, бу дунёда одамлар икки тоифага бўлинади. Биринчи тоифа бамисоли пашшага ўхшайди. Пашшанинг одати шундайки, у албатта ахлатга кўнади.

Тасаввур қилинг: гуллаб-яшнаб ётган боғ. Унинг бир бурчагида жиндаккина гўнг ётибди. Гуллар чамандай очилиб ётган ана шу боққа кирган пашша бирорта ҳам гулга кўнмай, айнан ўша гўнгга бориб кўнади. Паш-

шага ўхшаган одамлар ҳам бу ҳаётда фақат салбий жиҳатларни кўришади, гўзалликларга эса кўз юмишади.

Иккинчи тоифага мансуб одамлар асаларига ўхшашади. Масалан, ҳамма ёғи ифлос бўлган хонага бир тувакда гул қўйсангиз, шу хонага кирган асалари учиб бориб, ўша гулга кўнади. Унга ўхшаган одамлар ҳам ҳадеб ношукурлик қилмасдан, биринчи галда ҳаётнинг яхши томонларини кўришади. Улар билан ҳамсухбат бўлсангиз, ҳаётга муҳаббатингиз ортади, эзгу ишлар қилгингиз келади. Ўзингизнинг қайси тоифага мансублигингизни эса ўйлаб кўриб, ўзингиз ҳал қилинг.

БИЛАСИЗМИ?

▶ Кузатишлардан маълум бўлишича, 95 фоиз одам аввал пайпоқни чап оёққа, кейин ўнгига кийгизади.

▶ Машҳур ихтирочи ва рассом Леонардо да Винчи Мона Лизанинг лабини 12 йил мобайнида чизган экан.

▶ Бир йилда 31 536 000 сония бор. 1 111 111 ни 1 111 111 га кўпайтурса 1234567654321 сони ҳосил бўлади.

▶ Инсоннинг ҳар бир бармоғи умр да-

вомида ўртача 25 миллион марта букилар экан.

▶ Агар Қуёш сўниб қолса, Ер 8 дақиқаю 20 сонияда йўқ бўлиб кетади.

▶ Одамлар умри давомида светофорнинг яшил чирогини кутишга жами бўлиб икки ҳафта вақт кетказади.

▶ «Титаник» ҳалокат пайтида SOS ёрдам сигналдан фойдаланган биринчи кемадир.



Ёз таровати

Урикнинг шохи эгилиб, том устига тегиб қолибди. Тун бўйи шамолда томни тимдалаб, гичир-гичири асабни бузиб чиқди. Айвонда ухлаб ётган Ихтиёрга унинг овози худди бошини тимдалётгандек туюларди.

Тонггача у ёқдан, бу ёққа ағдарилиб, уйкуси беҳаловат бўлган Ихтиёр эрталаб ишга жўнашдан олдин ўша шохни кесиш ташламоқчи бўлди. Аррани олиб томга чиқди-ю, кесиш учун қулайроқ жой излай бошлади. Тепадан қўшни ҳовлига назар ташларкан, нима мақсадда томга чиққанини ҳам унутди: қизил кўйлакли бир қиз у томонга кулиб қараб, сўнг юзини терс буриб олди. Ҳойнаҳой сигир соққан бўлса керак, қўлида чела билан молхона томондан келарди. Ихтиёр унинг юзини аниқ кўра олмади. Бироқ жилмайиб кўйганини аниқ сезди. Урик шоҳини кесишни эса эртага қолдириб пастга тушди.

Кун бўйи ишга кўли бормай хаёл суриб юрди, қизнинг чеҳраси кўз ўнгидан кетмас, лекин ким бўлди экан? Қўшни келиннинг икки кун аввал туғуруқхонага кетганини, бу уйда бошқа хотин-қиз йўқлигини биларди. Келиноининг синглисимикан? Қиз-

ҚИЗИЛ КЎЙЛАКЛИ ҚИЗ

Ҳажвия

нинг бир жилмайиб, кейин терс ўгирилиб олгани Ихтиёрга қандайдир эркаланишдек туюлаверарди. Унинг юрагини жизиллатган ҳам шу биргина ҳаракат эди. «Келиноининг кийимларини кийиб, рўмолини ҳам ўраб олибди. Демак, унинг синглиси бўлса керак. Опаси йўқлигида жиянларига қараб туриш учун келган», дея хаёл сурди Ихтиёр.

Ёши йигирма бешга киргач, Ихтиёрнинг ота-онаси уйлантириш тараддудига тушиб қолишди. Аввал ўқиш, сўнгра иш билан овоза бўлиб бирортасини кўз остига ҳам олмаган йигитга қиз топиш осон бўлмасди. Аммо қандай бўлмасин, шу қиз билан бир гаплашиши керак. Ихтиёрнинг боши қотди. Уни яхши танимаса, яқинидан кўрмаган бўлса? Нега фақат уни ўйлайдиган бўлиб қолди экан? Кечга яқин ишдан қайтиб яна томга чиқди, бироқ қўшни ҳовлида куймаланиб юрган Мирпўлатдан бошқа ҳеч ким кўринмади.

Бир неча кундан бери келин топиш умидида юрган ота-она ўғлининг галатироқ бўлиб қолганини сезиб оғзини пойлашди. Бироқ бурчак-бурчакка бориб хаёл сураётган, ҳар замонда ўз-



ўзидан жилмайиб кўяётган Ихтиёр бу ҳақда бировга кўнгил очишни хоҳламади.

Кечқурун у ширин хаёллар оғушида жилмайиб ўрнига чўзилди. Сармаст юрган йигитга энди ўша ўрик шоҳининг томга тегиб гичир-

лаши ҳам ёқимли мусиқадай эшитила бошлади. Ахир, шу эмасми, кун бўйи унинг бахтли юришига сабабчи бўлган.

Эрталаб уйқудан жилмайиб уйғонган йи-

Ихтиёр унинг хатти-ҳаракатини кузатар экан, келин бўлиб сигир соғайганини тасаввур қилиб, ширин энтиқди. Айниқса, унинг кечаги жилмайиб кўйиши жуда ёққан эди. Чунки ҳали ёққан эди. Чунки ҳали ҳеч бир қиз унга бундай боқмаган эди-да.

Қиз сигирни соғиб бўлгач, ошхона томонга кета бошлади. Ихтиёр ҳам томдан унга кўз тикиб турганини билдириш учун томоқ қириб қўйди. Қиз у томонга кўз қирини ташлади-ю, бир кўли билан юзини яшириб олди. Шу тарихи тез-тез юриб ошхонага кириб кетди. Ихтиёрнинг қалби баттар ёна бошлади. Томдан анча вақт термулиб ўтирди, бироқ қизил кўйлакли қиз ошхонадан қайтиб чиқмади.

Шу кун Ихтиёр ишдан қайтгач, ўткирроқ арра сўраш баҳонасида Мирпўлатнинг уйига чиқди.

— Ака, икки кундан буён томдаги шоҳни кесмоқчи бўламан, аммо аррам ўтмаслик қияпти, — деди у ҳовлига олазарак кўз югуртириб.

— Икки кундан бери томда нима қияпти бу дея, ўзим ҳам ўйлагандим, — деди Мирпўлат айёронга жилмайиб.

Бу гапдан Ихтиёрнинг юзи қизариб кетди. Демак, сезибди-да, ўйлади ичиди.

— Келиноининг туғуруқхонага кетгандан бери мен ҳам анча қийналяпман, ука, — деди Мирпўлат худди унинг муддаосини пайқагандек. — Шунга кечаги кўрган ҳолатларни бировга айтиб, кулиб юрмагин тағин!

— Қайси ҳолатни айт-япсиз, — деди Ихтиёр ҳайрон бўлиб.

— Сигир келиноингдан бошқа бировга соғдирмайди, унга жуда ўрганиб қолган, — деди Мирпўлат хижолатомуз жилмайиб. — Шунинг учун унинг кийимини кийиб, рўмолини ўраб олсам, индамай туради жонивор. Сен томдан кўрганингдан бери маҳаллада айтиб кулмасайди, деб хижолат бўлиб юргандим.

Ихтиёрнинг устидан биров муздек сув куйиб юборгандек бўлди. Мирпўлат ичкаридан аррани олиб чиққанида йигит йўқлигини кўриб ҳайрон қолди. Бироздан сўнг эса қўшни томдан тарс-тарс қилиб болтанинг товуши эшитила бошлади...

Иномжон
РАҲИМЎЖАЕВ,
сержант.

О‘ЗБЕКИСТОН
РЕСПУБЛИКАСИ
ИВ БИРЛАШГАН
ТАХРИРИЯТИ

Bosh muharrir o‘rinbosari –
Qobiljon SHOKIROV
Mas‘ul kotib v.b. –
Zokir BOLTAYEV

MUASSIS:
O‘ZBEKISTON
RESPUBLIKASI
ICHKI ISHLAR
VAZIRLIGI

Navbatchi –
Foziljon MAMASHARIPOV
Sahifalovchi –
Rustam ISOQULOV
Matn ko‘chiruvchi –
Gulnora SODIQOVA

TELEFONLAR:
231-33-88;
Faks: 255-31-39.



Tahririyat
hisob raqami
2021000900447980001,
MFO 00420.
ATIB
«Ipotekabank»
Mirobod
tuman bo‘limi.
INN 200637499.

Tahririyatga kelgan qo‘lyozma
va suratlar egasiga qaytarilmaydi.
Nashrimizdan ko‘chirib bosil-
ganda «Postda»dan olinganligi
ko‘rsatilishi shart.

«O‘zbekiston» nashriyot-matbaa
ijodiy uyi bosmaxonasida chop
etiladi. Korxonaning manzili: Alisher
Navoiy ko‘chasi 30-uy.

Gazeta haftaning shanba kuni chiqadi.

Gazeta O‘zbekiston Matbuot va axborot agentligida
2007-yil 11-yanvarda 0120-raqam bilan ro‘yxatga
olingan. Buyurtma №S-3219. Bosilish – ofset usulida.
Hajmi – 4 bosma taboq. 69931 nusxada chop etildi.
Obuna raqamlari: Yakka tartibda – 180. Tashkilotlar
uchun – 366. Bosishga topshirish vaqti – 22.00.
Bosishga topshirildi – 18.00. Bahosi kelishilgan narxda.

MANZILIMIZ: 100070, Toshkent,
Shota Rustaveli 1-berk ko‘chasi, 1-uy.